

Cyngor Cymuned Penmynydd a Star

Ebost penmynyddcc@btinternet.com

NDF Team,
Planning Policy Branch,
Welsh Government,
Cathays Park,
Cardiff
CF10 3NQ

8 Hydref 2019

PWNC: Ymgynghoriad Drafft Fframwaith Datblygu Cenedlaethol

I bwy bynnag y mae'n berthnasol,

Rwy'n ysgrifennu atoch ynglŷn â'r Drafft Fframwaith Datblygu Cenedlaethol yr ydych yn ymgynghori arno ar hyn o bryd. Cafwyd trafodaeth fanwl ar hyn yn ein cyfarfod diweddar.

Mae'r mwyafrif o'r polisïau a gynigir yn ymddangos yn synhwyrol a does dim angen ymateb iddynt, ond y mae pedwar polisi penodol yn achos pryder sylweddol i Gyngor Penmynydd a Star a thrigolion Ynys Môn.

Polisi 10 – Ynni Gwynt ac Ynni Solar mewn Ardaloedd â Blaenoriaeth

Polisi 11 – Ynni Gwynt ac Ynni Solar y Tu Allan i Ardaloedd â Blaenoriaeth

Polisi 12 – Ynni Gwynt ac Ynni Solar mewn Parciau Cenedlaethol ac Ardaloedd o Harddwch Naturiol Eithriadol

Polisi 13 – Datblygiadau Ynni Adnewyddadwy Eraill

Mae polisïau 10 ac 11 yn berthnasol i ffermydd gwynt mawr (gan ddefnyddio tyrbinau hyd at 250m o uchder) a phaneli haul. Mae rhan helaeth o ganolbarth Ynys Môn wedi ei dynodi fel 'Ardal Blaenoriaeth 1' ble mae rhagdybiaeth y bydd ceisiadau datblygu'n cael eu caniatáu.

Mae Llywodraeth Cymru yn gywir yn canolbwyntio ar ynni cynaliadwy a gosod targedau am genedlaethau gan ddefnyddio dulliau cynhyrchu carbon isel, ond y mae gennym y pryderon sylweddol canlynol:

1 – Nid oes polisi economic cynhwysfawr na pholisi ynni sy'n ystyried pob math o gynhyrchu ynni sydd ar gael i Lywodraeth Cymru. Mae'r cynlluniau arfaethedig yn ymddangos i fod yn ceisio ymgyrraedd ac ymdrechion Cymru gyfan i ymateb i newid hinsawdd trwy ddefnyddio ynni'r haul neu ynni gwynt ar dir, gan anwybyddu gwynt y môr, llanw a biomas. (Polisiâu 10,11,12 ac 13)

2 - Mae dewis yr ardal i'w dynodi fel Blaenoriaeth 1 yn ymddangos iddo gael ei sylfaenu ar ddadansoddi helaeth, ond mae'r ardal derfynol yn ymddangos ei bod wedi ei chreu ar hap ac mae'r esboniad am y rhesymau dros wneud hynny yn adroddiad yr ymgynghorwyr yn wael dros ben. (Polisi 10)

3 – Bydd yr effaith ar dirwedd Ynys Môn yn ddramatig, gan newid ardal amaethyddol wledig yn fôr o dyrbinau gwynt fel nodwyddau'n ymwthio i'r awyr yma a thraw. Bydd yr effaith ar Ardal o Harddwch Naturiol Eithriadol Ynys Môn yn ddifäol a brawychus, yn ogystal â Pharc Cenedlaethol Eryri. (Polisi 10,11,12).

4 – Bydd effaith economaidd creu ardal ynni ar y tirwedd yn eithafol gan greu ardaloedd o dir uchel ei bris a chreu gostyngiad sylweddol yng ngwerth cartrefi ac ni fydd hyn o unrhyw gymorth i wella amgylchiadau cymdeithasol yr ardal hon nac Ynys Môn, sydd mor ddibynnol ar amaethyddiaeth a thwristiaeth. (Polisi 10 ac 11)


5 – Mae'r mesurau cynllunio yn annelwig iawn a gellid eu dehongli fel dim gwarchodaeth o gwbl. (Polisi 10,11)

6 – Mae graddfa'r mathau o gynhyrchu trydan, yn arbennig tyrbinau 250m ar draws rhan helaeth o'r Ynys, yn syml yn amhriodol mewn sir ble mae'r mwyafrif o'r tir nemor fwy na 100m uwchlaw lefel y môr. (Polisi 10,11)

7 – Mae proses ymgynghori Llywodraeth Cymru yn yr achos hwn wedi bod yn arswydus o wael a gwan, yn ail-adrodd camgymeriadau llinwyr polisiâu San Steffan, Gall Cymru, a dylai, wneud yn well. (Pob Polisi)

Rydym yn erfyn arnoch i feddwl eto, ail ystyried eich mapiau a chynnal ymgynghoriad trylwyr os ydych o ddifrif am gynnwys y cyhoedd yn y broses o ffurfio polisi. Nid ydym am weld datblygiadau ynni gwynt o'r maint yma ar dir Môn pan fod yna opsiynau eraill llawer mwy addas ar gael.

Yn gywir iawn,



Graham Owen
Clerc Cyngor Penmynydd a Star.